

Blaubart für Arme

Text: Tom Lackner

1. I bin a gaunz noamala, einfühsauma Maunn
Dea kana Fliang wos zu Leide tuan kaunn
I moch mei Oaweit, zoi mein Zins und putz es Klo
Ram noch'ng Ess'n a den Tisch glei wieda oh
I geh a mid'n Hund schee brav schpazian
Und tua eam zwa, drei Moi zum Wischerln außse fian
 2. Auch in da Liebe bin i ned sea komplizia.
I hob no nia wos recht exotisch's ausprowiat
I bin jo übahaupt a Seele von an Maunn
Von dem, wea mi a kriagt, von Glick nua red'n kaunn
Nua ans, des muaß i ealich amoi song:
Waunn ma wea deppat kummt, des kaunn i ned vatrong ...
 3. So wia de easchte, de woa wiaklich schlecht dressiat
Dea hob i glei amoi de Papp'm aufpoliat
De zweite hot mi leida schtändig obeg'haut
Zumindast hot sie imma sea vadächtich g'schaut
Und a de dritte is bei'd Schtiang obeg'flong
I glaub, de hod mi mid'n Gaskassia betrong
 4. Und daunn: De viate hod si glei sogoa nu g'weat
De Schnoi'n hot echt ned g'laubt, daß's mia r allanich g'heat
Doch mit da fünft'n woa zeascht ollas wundaschee
Bis i s' darwischt hob mid ia'n Ex'l im Cafe
De sexste hod zum Aufmuck'ng prowiat
De hod an Bock kassiat, den s' heit nu oiwöe g'schbiat.
 5. Jetzt is's passiat, wos soll i song, es tuat ma laad
I hob des Blumerl mid'n Unkraut niedag'maht
I hob des echt ned woin, es is ma hoit passiat
Daß d' Numma Sieb'm leida nimma aufschdeh wiad.
A Hoppala, do liegt's in ihra Sua.
Oba wos hot s' mi a so g'raazt de blede Hua?
 6. Oba de ochte wiad, weat's seng, de Üba-Frau.
Do gibt's kan Zweif'l, wöe des g'schbia r i gaunz genau.
Ma muaß hoit woat'n kenna, ruhich und ohne Hast ...
Zu jed'n Reind'l gibt's an Deck'l, dea wos paßt.
Und schließlich bin ich doch a netta junga Maunn,
Von dem ma nua des ollabeste sogng kaunn ...
- Fin: I bin doch – wiaklich woa – a netta junga Maunn
Von dem ma nua des ollabeste sogng kaunn
i bin doch ...